

Int 112  
no 137

~~Arados~~ — 47

3. Breve de Urbano VIII al General de los Ermitaños de S. Agustín.
2. *Votum D. D. Gabrielis Martinez Protonotarii ac in Minicatura Hispan. Judicis Aport. in Causa Granatensis Provincialatus Ord. Ermitarum S. Augustini.*
3. Por Fr. Francisco Liano Pro<sup>r</sup>. de S. Agustín en Andalucía con Fr. Francisco Jaramón Fr. nulidades de elecciones.
2. Respuesta de Fr. Francisco Duño Fr. el mismo asunto.
5. Causas nuevas Fr. el mismo asunto.
6. Nueve popelos Fr. id.
7. Consulta que trae el convento del Carmen de Sevilla y contestación.
8. La inqencia acreditada. Popel Fr. la prision de varios Religiosos de la O. de S. Agustín.
9. Carta Fr. el mismo asunto.
10. Breve de Gregorio XI declarando festivo el día de S. Agustín.
11. Discurso apologetico Fr. la antigüedad de los Ermitas de S. Agustín.
12. Popel Fr. precedencia entre Franciscanos y Agustinos.
13. Votum Fr. eleccion de la provincia de Andalucía de la Orden del Carmen.
12. Respuesta al anterior.
15. Otra id.
16. Contestacion a esta ultima.
17. Representacion al Rey Fr. el mismo asunto.
18. Parecer Fr. dichas elecciones.
19. Manifiesto Fr. eleccion de Ministro en el Convento de Trinitarios de Sevilla en 1705.
20. Respuesta a la verdad demandada Fr. el Colegio de Fr. Tomas de Sevilla.
21. Fr. el nombramiento de un Colegio en el Colegio de la Encarnacion por la Marquesa de Peña Alta.
22. Por la Religión del Carmen con la de S. Francisco Fr. herencia.
23. Por la Provincia de Granada de S. Francisco Fr. Estatutos con una representacion al Rey.
22. Otra representacion al Rey Fr. lo mismo.
25. Otro escrito Fr. lo mismo.
26. Otro id.
27. Otro id.



28. . Por la Religion de los *Mercu* con la de la *Uma. Trinidad* &c. redencion de *Cautivos*.
29. . Contestacion al anterior.
30. . *Bula* de *Urbano VIII* en favor de los *Dominicos*.
31. . Contra &c. la entrada en la *Comp. de Jesus* de el *Principe* *Castino*.
32. . &c. privilegios de los *Regulares*.
33. . Por el *Fiscal* de *S. M.* contra *D. Estobal Velazquez* Religioso de *S. Agustin*.
34. . Sobre la profesion del *P. F. Pedro Fello*.
35. . Por la Religion de *S. Juan* con el *Arzobispo* de *Granada* &c. privilegios.
36. . Observacion en el negocio de *D. Pedro Baron Menes Carluxo*.
37. . Por *D.<sup>a</sup> Aldenza* de la *Cenda* con *D.<sup>a</sup> Juver* de la *Cenda* &c. el *Vinculo* de *Sanzale* *Sanos*.



Tomo primero.





*Allegato*


1

✱


# VRBANVS

## PAPA OCTAVVS.

### AD FVTVRAM REI MEMORIAM.



**A**LIAS à nobis emanarunt in simili forma Breuis litterarum tenoris sequentis, videlicet à tergo. Dilecto filio Priori Generali Fratrum Eremitarum sancti Augustini. Intus verò. VRBANVS Papa Octauus. Dilectè fili salutem, & Apostolicam benedictionem. Cum sicut nobis nuper exponi fecisti de anno proximè præterito millesimo sexcentesimo quadagesimo primo, Dominica tertia post festum Paschatis Resurrectionis Dominicæ Capitulum Prouinciale Prouinciæ Berthicæ, Ordinis Fratrum Eremitarum sancti Augustini celebratum, in eoque dilectus filius Franciscus Terminiõ, dicti Ordinis Professor in eisdem Prouinciæ Priorè Prouinciale electus, cæterisq; alijs fieri solitis in Capitulis Prouincialibus Ordinis, & Prouinciæ huiusmodi prouisum respectiue fuerit, & subindè venerabilis frater Cæsar Archiepiscopus Damiatensis, tunc noster, & Sedis Apostolicæ in Regnis Hispaniarum Nuncius electionis de persona dicti Francisci in Priorem Prouincialem huiusmodi, necnon omnia, & singula alia in dicto Capitulo Prouinciali acta, & gesta nulla, & inualida declarauerit, mandaueritq; vt de nouo Capitulum Prouinciale dictæ Prouinciæ celebrari deberet, prout illud de mense Octobris eiusdem anni celebratum, & in eiusdem Prouinciæ Priorem Prouincialem dilectus filius Franciscus Nuño, etiam dicti Ordinis Professor electus, ac de nouo omnes alia Prouisiones in eisdem Capitulis Prouincialibus fieri solitæ factæ fuerunt respectiue, post modum verò in alia Vrbe nostra coram te dilecti filij Procuratores vtriusque Francisci Prouincialis huiusmodi, & consortium comparuerint, necnon primò dictorum Capituli Prouincialis, & Francisci Prioris Prouincialis Procurator, pro validitate eiusdem primò dicti Capituli Prouincialis, multa iura deduxerit, opposueritque, quod etiam quando primò dictum Prouinciale Capitulum, non fuisset validè, & legitime celebratum, electio primò dicti Francisci, in Priorem Prouincialem huiusmodi, ad te deuoluta erat: & insuper, quod in secundò dicto Capitulo Prouinciali dictæ Prouinciæ, multi defectus, & nullitates interuenerant: quia multis in rebus, sacrorum Canonum, necnon Apostolicarum, ac ipsius Ordinis



dinis Apostolica autoritate confirmatarum, constitutionum, dispositioni contrauentum fuerat: propterea que tu auditis pluries ipsis partibus, earumque iuribus, & rationibus mature discussis, iudicaueris, secundo dictum Capitulum Prouinciale, nullum, & inuaidum, nulliterque, & inuaidè celebratum fuisse: negotiumque huiusmodi, cum eodem Cæsare Archiepiscopo, & tunc Nuncio prædicto, communicaueris. Nobis propterea, de eiusdem Cæsaris Archiepiscopi participatione, & consensu, humiliter supplicari fecisti, vt, quia dicta Prouincia Berhica, in duas partialitates, vnã nempe, quam Prouinciã, aliam verò, quam Hispalensem, & de Estremadura, vocant, diuisa existit: inter quas, pro pace communi, aliàs deuentum fuit ad diuersas conuentiones, præsertim quoad alternatiuam Prouincialatus huiusmodi, à nobis per quasdam in simili forma Breuis litteras confirmatas; pro conseruatione pacis, & quietis, ambarum partialitatum huiusmodi, ac pro tollendis dissenfionibus, & difficultatibus, quæ circa electiones, & alia acta Capitularia dictorum duorum Capitulorum Prouincialium, esse, & oriri, possunt, ac aliàs, vt dictæ partialitates vnitæ conseruentur; prædicta duo Capitula Prouincialia, ac omnes, & singulas electiones, & alia acta inibi secuta, annullare, de benignitate Apostolica dignaremur. Nos igitur ipsius Prouinciæ prospero, scilicique regimini, pro nostri Pastoralis officij debito, prospicere, teque specialibus fauoribus, & gratijs prosequi volentes, & à quibuscvis excommunicationis, suspensionis, & interdicti, alijsque Ecclesiasticis sententijs, censuris, & pœnis, à iure, vel ab homine, quauis occasione, vel causa latis, si quibus quomodolibet innodatus existis, ad effectum præsentium dumtaxat consequendum, harum serie absoluentes, & absolutum fore censentes, huiusmodi supplicationibus inclinati, & voto venerabilis Fratris Lelij Archiepiscopi Thebarum, ac dilectorum filiorum Magistrorum, Marci Aurelij Maraldi, & Francisci Paulitij in vtraque signatura nostra referendariorum, & Romanæ curiæ Prælatorum, tibi, vt, dicta duo Capitula Prouincialia, ac in eis sequuta quæcumque, electiones, & alia acta, annullare, necnon, vt absque alia Capituli Prouincialis huiusmodi celebratione Priorem Prouincialem, qui sit ex dicta partialitate Prouinciæ nuncupata, ad quam in vim alternatiuæ, & litterarum Apostolicarum desuper expeditarum Prioratus Prouincialis huiusmodi spectabat, quandò dicta duo Capitula Prouincialia celebrata fuerunt, & insuper novos Diffinitores, & Visitatores dictæ Prouinciæ, quorum omnium officia, post litterarum tuarum desuper expediendarum publicationem incipere, & vsque ad Dominicam tertiam post festum Paschatis Resurrectionis Dominicæ futuri anni millesimi sexcetesimi quadagesimi sexti durare debeant, cum omnibus, & singulis facultatibus, autoritatibus, & iurisdictionibus, quibus Priores Pro-

uinciales, Diffinitores, & Visitatores dictæ Prouinciæ In illius  
 Capitulis Prouincialibus electi gaudere solent, ac cum expressa  
 declaratione, quod per tempus, quo (vt præfertur) durare de-  
 bent Prior Prouincialis, & alij Officiales prædicti, turnus alter-  
 natiuæ ad Prouincialatum huiusmodi pro hac vice dictæ par-  
 tialitati Prouinciæ competens consumatur, ita vt transacto tẽ-  
 pore huiusmodi, & non prius, Prouincialatus huiusmodi ad aliã  
 partialitatem, iuxta eandem alternatiuam, spectet, & pertineat,  
 autoritate nostra constituere, & deputare, & quoad Priores  
 locales, aliosque officiales, in Capitulis Prouincialibus, à toto  
 Diffinitorio, eligi solitos, necnon etiam quoad omnia alia, quæ  
 in eisdem Prouincialibus Capitulis fieri consueuerunt, prout tibi  
 expedire videbitur, & aliàs pro beneficio, pace, & quiete eius-  
 dem Prouinciæ, disponere, & ordinare, libere, & licite possis, &  
 valeas, eadem autoritate, tenore præsentium facultatem con-  
 cedimus, & impartimur, decernentes, præsentis litteras vali-  
 das, firmas, & efficaces exiltere, & fore, tibi que plenissime suf-  
 fragari, & quidquid illarum vigore, à te gestum, actum, & ordina-  
 tum fuerit, ab omnibus Prouinciæ prædictæ fratribus, & alijs, ad  
 quos spectat, & quomodolibet spectabit, inuolubiliter obserua-  
 ri: sicque in præmissis omnibus, & singulis, per quoscumque iudi-  
 ces ordinarios, & delegatos, etiam causarum palatii Apostolici  
 Auditores, iudicari, & diffiniri debere, ac irritum, & inane, si-  
 quid secus, super his, à quoquam, quauis autoritate, scien-  
 ter, vel ignoranter, contigerit attentari. Quocirca dilecto filio  
 nostro, & Sedis Apostolicæ in eisdem Regnis Hispaniarum Nun-  
 cio, per præsentis committimus, & mandamus, quatenus ipse  
 per se, vel alium, seu alios, præsentis litteras, & in eis contenta  
 quæcumque, ubi, & quando opus fuerit, & quoties pro parte tua  
 fuerit requisitus, solemniter publicas, tibi que in præmissis effi-  
 caces defensionis præsidio assistens, faciat autoritate nostra  
 præsentis nostras litteras ab omnibus obseruari, debitaque exe-  
 cutioni demandari: contradictores quoslibet, & rebelles, per  
 censuras, & pœnas Ecclesiasticas, aliaque opportuna iuris, & fa-  
 cti remedia, appellatione postposita, compescendo, legitimis-  
 que, super his, habendis seruatis processibus, censuras, & pœ-  
 nas ipsas etiam iteratis vicibus, aggravando, inuocato etiam ad  
 hoc, si opus fuerit, auxilio Brachij sæcularis. Non obstantibus  
 constitutionibus, & ordinationibus Apostolicis, ac Ordinibus, &  
 Prouinciæ huiusmodi, etiã iuramento, confirmatione Apostoli-  
 ca, vel alia quauis firmitate roboratis, statutis, & consuetudinibus,  
 priuilegijs quoque, indultis, & litteris Apostolicis, in con-  
 trarium præmissorum, quomodolibet concessis, confirmatis, &  
 innouatis. Quibus omnibus, & singulis, illorum tenores, præsen-  
 tibus, pro plenè, & sufficienter expressis, habentes, illis aliàs in  
 suo robore permansuris, ad effectum præmissorum specialiter,



8  
& expresse derogamus: ceterisque contrarijs quibuscumque.  
Datum Romæ apud sanctum Petrum, sub Annulo Piscatoris,  
die quinta Decembris 1642. Pontificatus nostri anno vigesimo.  
Cum autem in vim, & executionem præsertarum nostrarum  
litterarum Idem Prior generalis per multa in præmissis  
prohibere, & opportune ordinaverit, dum verò de illorum exe-  
cutione coram dilecto filio nostro Ioanne Iacobo sanctæ Ro-  
mance Ecclesiæ Presbytero Cardinale Panzirolo nuncupato  
in eisdem Regnis nostro, & Sedis Apostolicæ Nuntio tracta-  
retur, nonnulli dicti Ordinis, & Prouinciæ prædictæ professio-  
res, & præsertim secundò dictus Franciscus desuper protestari  
fuerint, & ad nos, & eandem Sedem appellauerint, recursumq;  
habuerint, & pro ipso secundò dicto Francisco, illique adhæren-  
tibus, seu consortibus comparentes coram nonnullis Romance  
Curie Prælati, quos ad negotium huiusmodi discutiendum,  
nobisque referendum deputauimus, allegauerunt inter alia ip-  
sum secundò dictum Franciscum, illique adhærentes, seu con-  
sortes nedum ab eodem Ioanne Iacobo Cardinale Nuntio, &  
dicto Priore generali grauatos, sed etiam præsertas nostras  
litteras huiusmodi subreptitiè obrentas fuisse. Nobis propterea  
Idem Prior, & dilectus filius Procurator generales Ordinis  
huiusmodi humiliter supplicari fecerunt, vt tot, & tanta con-  
tradictiones, & dissidia in prædicta Prouincia occasione præ-  
missorum exorta semouere, ac aliàs, vt infra opportune prouide-  
re, de benignitate Apostolica dignaremur. Nos igitur eos-  
dem Priorem, & Procuratorem generales huiusmodi speciali-  
bus favoribus, & gratijs prosequi volentes, & a quibuscumque ex-  
communicationis, suspensionis, & interdicti, alijsque Ecclesia-  
sticis sententijs, censuris, & penis à iure, vel ab homine qua-  
uis occasione, vel causa latis, si quibus quomodolibet innodati  
existunt, ad effectum præsentium dumtaxat consequendum  
harum serie absoluentes, & absolutos fore censentes; huiusmo-  
di supplicationibus inclinati, de eorundem Prælatorum, qui  
super præmissis, ac omnibus alijs allegationibus, exceptioni-  
bus, oppositionibus, responsionibus, & replicationibus tam ore  
tenus, quam in scriptis hinc inde etiam in pluribus contradi-  
ctorijs deductis, & per Prælatos pluries auditis, & maturè dis-  
cussis, nec non etiam super eo, quod dilectus filius noster Cæsar  
tituli sanctorum quatuor Coronatorum Presbyter Cardinalis  
Fachenettus nuncupatus, tunc etiam in eisdem Regnis noster,  
& dictæ Sedis Nuntius consensum reuocationi, & annullatio-  
ni actorum & gestorum in prædicto eiusdem Prouinciæ secun-  
dò Capitulo Prouinciali minimè præstiterat, nobis opportune  
retulerunt, & quorum relata audiuimus, consilio; Eidem Fran-  
cisco secundò dicto, illique adhærentibus, seu consortibus qui-  
busvis dicti Ordinis, & Prouinciæ huiusmodi professoribus, in

& su-

3  
82 super prædictis protestationibus, appellationibus, recur-  
sibus, contradictionibus, oppositionibus, illorumque prosequi-  
tionibus, nomine eiusdem secundo dicti Francisci, illique ad-  
hærentium, seu consortium etiam in Romana Curia prædicta  
quomodolibet interpositis, datis, & factis respectiue, perpe-  
tuum Apostolica auctoritate tenore præsentium, silentium  
imponimus; nec non eidem Ioanni Iacobo Cardinali, seu pro  
tempore existenti in eisdem Regnis nostro, & dictæ Sedis Nū-  
tius, seu eius vices, aut iurisdictionem quomodolibet exercen-  
ti, per eandem præsentibus committimus, & mandamus; vt ad  
vltiorem, & finalem præsertarum nostrarum litterarum, &  
illarum vigore per eundem Priorem generalem gestorum, &  
ordinatorum executionem; præfatis protestationibus, & ap-  
pellationibus, ac quibuscumque alijs forsan interpositis, vel inter-  
ponendis, ac contradictionibus factis, vel faciendis penitus, &  
omnino remotis, auctoritate nostra procedat, procediq; man-  
det, & faciat. Iniungentes propterea, ac districte præcipiendo  
mandantes ipsi secundo dicto Francisco, alijsq; dicti Ordinis, &  
Prouinciæ huiusmodi Fratribus illi adhærentibus, seu consor-  
tibus in virtute sanctæ obedientiæ, ac sub priuationis perpe-  
tuæ, tam omnium, & singulorum dicti Ordinis officiorum mu-  
nerumque Ecclesiasticorum, nec non etiam perpetuæ inha-  
bilitatis ad illa in posterum obtinenda, quam etiam vocis acti-  
tutis, & passiuæ, ac excommunicationis maioris penis eo ipso  
absque vlla alia declaratione per contrafacientes incurren-  
dis, nisi infra quindecim dies a die sibi faciendæ præsentium  
intimationis cum copiarum illarum traditione incohandos, & vt  
sequitur finiendos, eisdem præsentibus, & in eis contentis qui-  
buscumque realiter, & cum effectu paruerint, vt præfatis per-  
petuo, quod per easdem præsentibus imponimus, vt præfertur  
silentio, acquiescere, illiq; ac illis, ac eidem Ioanni Iacobo  
Cardinali, seu pro tempore existenti Nuntio huiusmodi, seu  
illius vices, vel iurisdictionem, vt præmittitur, exercenti, ad  
præsertarum, & præsentium nostrarum litterarum execu-  
tionem procedenti parere, & obedire debeant cum effectu, ac de-  
cernentes easdem præsentibus litteras, ac in eis contenta quæ-  
cumque, etiam ex eo, quod quicumque forsan in præmissis in-  
teresse habentes, seu habere quomodolibet prætendentes, ad  
ea vocati, & auditi non fuerint, vel causæ propter quas illæ  
emanarint, adductæ, vel verificatæ non fuerint, de subreptionis,  
vel obreptionis vitio, aut intentionis nostræ, vel alio quod-  
cumque defectu, notari, impugnari, redargui, in ius, vel contro-  
uersiam reuocari, ad terminos iuris reduci, aut aduersus illas,  
quodcumque iuris, gratiæ, vel facti remedium impetrari nulla-  
tenus posse, sed illas semper validas, firmas, & efficaces exis-  
tere, & fore, suosque plenarios, & integros effectus sortiri, &  
obti-

obtinere, sicque per quoscumque iudicēs ordinarios, & delegatos, etiam caularum Palatij Apostolici Auditores, ac sanctæ Romanæ Ecclesiæ Cardinales, etiam de Laterelegatos, & dictæ Sedis Nuncios, sublata eis, & eorum cuilibet, quavis aliter iudicandi, & interpretandi facultate, & auctoritate, iudicari, & diffiniri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstantibus præmissis, ac omnibus, & singulis illis, quæ in eisdem præinsertis litteris volumus non obstare, cæterisque contrarijs quibuscumque. Datum Romæ apud sanctum Petrum sub annulo Piscatoris, die xviij. Februarij M. DC. XXXXIV. Pontificatus nostri anno vigesimo primo, Loco ✠ annuli Piscatoris. M.A. Maraldus,